

Resolución do 7 de novembro de 2025, pola que se acepta a renuncia da persoa adxudicataria unha bolsa de formación en materia de dereitos das persoas consumidoras e seguridade dos produtos, convocada por Resolución do 30 de decembro de 2024.

Mediante Resolución do 30 de decembro 2024 (DOG Núm. 13, do 21 de xaneiro de 2025), establecéronse as bases reguladoras para a concesión de bolsas de formación en materia de dereitos das persoas consumidoras e seguridade dos produtos e procedeuse á súa convocatoria para o ano 2025.

En virtude do artigo 18 de ditas bases reguladoras, o 9 de abril de 2025 o director do Instituto Galego do Consumo e da Competencia ditou resolución , pola que se concedía, entre outras, unha bolsa de formación en materia de dereitos das persoas consumidoras e seguridade dos produtos a Lucía Lamapereira Serrano na oficina de Lugo .

Con data 15 de abril de 2025 e en base ao artigo 20 das bases da convocatoria, a beneficiaria Lucía Lamapereira Serrano, na súa condición de adxudicataria dunha bolsa de formación en materia de dereitos das persoas consumidoras e seguridade dos produtos na oficina de Lugo, presenta notificación da súa renuncia á bolsa concedida.

Con data 16/04/25 o órgano instructor, o Servizo de información, cooperación e fomento do Instituto Galego do Consumo e da Competencia fai a proposta de resolución de dita renuncia que eleva á Intervención deste organismo. Con data 29/04/2025 o director do Instituto Galego do Consumo e da Competencia resolve dita renuncia de Lucía Lampareira Serrano.

De acordo co establecido no artigo 20.3 da das bases reguladoras (contidas na Resolución do 30 de decembro 2024, DOG Núm. 13, do 21 de xaneiro de 2025, pola que se establecen bases reguladoras para a concesión de bolsas de formación en materia de dereitos das persoas consumidoras e seguridade dos produtos e se procede á súa convocatoria para o ano 2025) en caso de que a persoa beneficiaria da bolsa renuncie á mesma, poderá ser substituída pola persoa que figure na lista de reserva, en función do orde de prelación.

No anexo II da Resolución do 9 de abril de 2025, pola que se concedían ditas as bolsas de formación, relaciónanse as persoas suplentes por orde de prelación por oficina . Así para a oficina de Lugo



aparece como primeira e única suplente Sofia Díaz Seco.

Con data 14/04/2025 e antes de que se iniciase o procedemento para a concesión de dita bolsa a Sofía Díaz Seco, como beneficiaria por renuncia e como suplente primeira e única da lista de suplentes, recíbese de esta o desestimento e renuncia a dita bolsa, quedando a bolsa da oficina de Lugo sen suplentes por renuncias da beneficiaria e desestimento da suplente.

O artigo 20.4 das bases reguladoras das bolsas establece que, co fin de que todas as bolsas da convocatoria sexan cubertas e os solicitantes admitidos sen bolsa poidan acceder ás mesmas, soamente no caso de que algunha das bolsas dunha oficina quede vacante, xa sexa por falta de solicitudes recibidas ou quede sen suplentes por calquera renuncia que se produza dos beneficiarios na adxudicación das bolsa ou posteriormente unha vez adxudicadas, o órgano instrutor do procedemento ofrecerá dita vacante, por orde de puntuación, á persoa que lle corresponda da lista xeral de reservas por orde de puntuación elaborada pola Comisión de Valoración. Unha vez aceptada polo solicitante iniciárase o procedemento de resolución da bolsa.

O anexo III da resolución do 9 de abril de 2025, do Director do Instituto Galego do Consumo e da Competencia, polo que se conceden as bolsas, establece a lista de reserva xeral, por orde de puntuación, no caso de que algunha oficina quede vacante por falta de suplentes en dita oficina, figurando en primeiro lugar de dita lista Saúl Gómez Argibay.

Visto o anterior, con data 30/04/2025 o órgano instrutor do procedemento notifícaselle a Saúl Gómez Argibay, como primeiro aspirante en dita lista de reserva xeral, ofrecemento de dita bolsa vacante na oficina de Lugo, dándoselle un prazo de cinco días hábiles para comunicar a súa aceptación ou rexeitamento ao mesmo.

Con data 09/05/2025, e dentro de prazo legalmente establecido, o aspirante Saúl Gómez Argibay acepta dito ofrecemento para ser beneficiario dunha bolsa vacante na oficina de Lugo.

Por elo e en virtude do artigo 18 de ditas bases reguladoras, o 21 de maio de 2025 o director do Instituto Galego do Consumo e da Competencia ditou unha resolución pola que se concedía unha bolsa de formación en materia de dereitos das persoas consumidoras e seguridade dos produtos a Saúl Gómez Argibay na oficina de Lugo.



En virtude do artigo 20 das bases da convocatoria, con data 15 de outubro de 2025, o beneficiario Saúl Gómez Argibay, na súa condición de adxudicatario dunha bolsa de formación en materia de dereitos das persoas consumidoras e seguridade dos produtos na oficina de Lugo, presenta notificación da súa renuncia á bolsa con data de último día de desfrute da bolsa o día 17 de outubro de 2025 .

Con data 20/10/25 o órgano instructor, o Servizo de información, cooperación e fomento do Instituto Galego do Consumo e da Competencia fai a proposta de resolución de dita renuncia que eleva á Intervención deste organismo fiscalizándose e contabilizándose con data 29/10/2025.

Visto o anterior, e de conformidade co establecido nas bases reguladoras,

RESOLVO:

Primeiro – Aceptar a renuncia á bolsa de formación en materia de dereitos das persoas consumidoras e seguridade dos produtos presentada por Saúl Gómez Argibay con data de efectos 17/10/2025 para a oficina de Lugo.

Segundo - Dispoñer a expedición dos correspondentes documentos contables con cargo ás partidas orzamentarias 14.80.613A.480.2, "Bolsas de formación en materia de protección das persoas consumidoras " e 14.80.613A.484.0, "cotas Seguridade Social bolseiros" dos orzamentos xerais da comunidade autónoma para o ano 2025,

Contra esta resolución, que pon fin á vía administrativa, cabe interpoñer recurso potestativo de reposición ante o órgano que a ditou, no prazo dun mes contado desde o día seguinte ao da súa notificación, ou ben directamente recurso contencioso administrativo ante a Sala do Contencioso - Administrativo do Tribunal Superior de Xustiza de Galicia, no prazo de dous meses que se contarán desde a mesma data. En todo caso, non se poderá interpoñer recurso contencioso -administrativo ata que sexa resolto expresamente ou se produza a desestimación presunta do recurso de reposición.

Notifíquese esta resolución ás persoas interesadas

En Santiago de Compostela

O director do Instituto Galego do Consumo e da Competencia.

